

## Шунмгъа кӧдлӧчнр мӧрӧлгдв

Юстинск района «Северный» совхозин хойрдгч номертӧ ӧвс хуралгъна бригад ик шунмгъа кевӧр кӧдлдж йовна.

Эн бригад (бригадирнь комсомолец ӱр Бембеев Николай) авсн социалистическ даалгъвран 200 процент кӱргдж кӱцӧв.

Гӱджрдж кӧдлсн учрар, ӧвс хадлгън хуралгън хойран хоорнд заг гарч йовхш. Эднӧ сӧн кӧдлмшиг темдглдж, совхозин директор ӱр Ланговой бригадин кӧдлӧчнр: Н. Бембеевд, И. Малышевд, Э. Надчаевд, И. Маштыковд, А. Батыревд,

И. Бадмаевд, Ц. Бораевд болн М. Боктаевд ханлт ӧргв. Совхозин кӧдлмшчнрин профсоюзн комитетин болн дирекцин шиидврӧр мӧнӱгӧр мӧрӧлгдцхӧв.

— Мана шунмгъа кӧдлмшин ашиг диглдж, мӧнӱгнӧ мӧрӧгӧр темдглснд икӧр ханджанавдн. Цааранднь ӧмнкӧсн ӱлӱ икӧр чидлӧн ӧгч кӧдлдж, олна малд хойр джил кӱрх хот белдлгънд тӱрӱн нӱӱрин гӱджрӧчнр болнавдн, — гидж, мӧрӧ авсн улсин нерн деерӧс ӱр И. Малышев босдж келв.

**БАДМИН Николай.**